

vorige Quartier abgeföhret / vnd grossen Muths
wollen / mit abnehmung viel Viehs vnd anders /
vnter den armen Leuten in Dörffern geobet.

Vnd weilten in beyden Pässen keine Stücke
Geschütze / noch Munition von den Fürstlichen
Pomerischen gelassen worden / hat man den 20.
dis von Anklam vnd Wolgast 7. Stücke / 8000.
Kugeln / vnd etliche 70. Garthaunen gegen Ste-
tin geschickt.

Den 21. dis ist eine newe geworbene Com-
pagnie zu Fuß Stettienisch Volck gemustert vnd
bewehret werden.

Den 22. ejuldem seynd obengedachte sieben
Stücke Geschütze mit 8000. Kugeln vnd etlich
70. vergifften Garthenen nebst viel hawen Schip-
pen / vnd dergleichen zu Schiffe nach Stetin ge-
bracht / welche man den 23. dieses zu Wasser nach
Griffenhagen vnd Garz geföhret / selthero sein
die Keyserlichen in ihren quartieren geblieben / vnd
bey zehen Tagen lang / aus denselben sich nicht
viel sehen lassen.

Den 31. May / bey Eintretung der Sonnens-
Finsternuß hat sich ein grosser Sturmwind er-
hebt / in welchem drey Regimenten Schwedisch
Volck / nemlichen ein Regiment hochteutsches /
das andere Schotten / vnd das dritte Sinnen / zu
Straß